

中国文献珍本丛书

晚清珍稀期刊续编 (十七)

全国图书馆文献缩微复制中心

湘 报

查看日本各學校大概情形手摺 續前稿

專門各學校 專門各學校凡分六科曰文科曰法科此兩科專講內治外交之法故日本大小諸文官多自文科法科出身之人曰理科乃格物曰工科曰農科曰醫科其中尚有專科中之專科不能相通爲用凡此六科皆考取畢業中學校畢業之人質地最優者入學其學校凡分兩種曰豫科學校即高等學校也曰正科學校即大學校也大學校之上尙有大學院蓋大學校畢業之人益進而講習之地也又有工業學校技手學校乃工科中之聯校也

一高等學校 高等學校乃大學校之豫科蓋中學校畢業之人其學力所及尙未能服習大學校諸科乃特設高等一級以爲入大學校之地故曰豫科猶陸軍學校之有地方中央兩幼年學校也其高等學校通國凡六所一東京一仙台一西京一金澤一熊本一山口其中功課分爲三大宗合文科法科爲一宗理科農科工科爲一宗醫科爲一宗在學凡三年乃考入大學校其不入大學校者如法科即出而爲判師律師工科即出而爲官民各廠之二等技師如中國各廠醫科即出而自作醫士

一大學校 大學校之中凡分六科曰文科曰法科曰理科曰工科曰農科曰醫科文科之中凡與國歷史漢文水國掌故各國掌故各國語言文字皆屬焉法科之中凡公法本國法律各國法律賦稅度支諸法銀行商律各國條約諸學皆屬焉其內而爲各部院大臣及治民聽訟諸官外而爲各國公使及參贊隨員各領事皆出其中理科之中凡算學化學地質學動物植物光學電學理學聲學皆屬焉此實爲百工技藝之源故其名專用工科之中凡應用電學應用化學土木學橋梁學鐵道學造船學機器學探礦學兵器製造學皆屬焉出而爲官民各廠技師即中國各廠之技師司大調度農科之中凡樹藝學林木學畜牧學獸醫學及培植之方去蟲之法土質之宜一切新法皆屬焉出而爲農商務省及各農務試驗所技師並通國農學教習醫科之中凡內外婦稚治傷調藥諸科皆屬焉出而爲通國病院醫師或陸軍各軍鎮軍醫凡此六科皆在學三年歷次考試而得畢業憑證者是曰學士有文學士法學士醫學士農學士工學士各學士之分蓋如中國之得館選舉國榮之一大學院 大學院無專署仍即寓於大學之中凡六科中已得學士者仍得入學三年俾之優游樂佚其中以求深理其他得畢業憑證者名曰博士爲其國人學校出身之至榮

一工業學校 工業學校乃工科聯枝也。舊考選中學校畢業之人入學三年其畢業於大學校工科俾得速成以就工業之用。校中功課凡分兩大宗旨：化學工藝部、機械工藝部。而化學工藝部中分為三科：曰染織科、曰鑄造科、曰應用化學科。機械工藝部中分為兩科：曰機械科、曰電氣工科。其大旨為民業工藝而設。三年畢業以後出而充各廠二等技師。

一技手學校 技手者猶華語所設工頭也。技手學校乃工科學士博士所私立，乃取高等小學校畢業之人專以教成匠頭之用。供其指揮猶陸軍之有教導團以教下士官也。然亦必入學三年乃能有成。

錫光竊案日本官設之各專門學校皆有。小學校中學校以爲之基，凡歷十二三年之久。其於日本國文、漢文、西文、歷史、輿地、算學、化學、格物諸學已得其大凡。其進學專門循序而入，固自易。中國學術與各國異，所學恆非所用，且理農工醫四科之學俱憑器具品物教者以實驗而教學者以手試而學斷非徒手所能領會。若驟於專門之中以最高之師至精之學驟語初學之人，勢必扞格不入，竊以爲文科法科兩項向於中國學者相近而於內治外交最有關係，似宜多選聰慧而有根柢之人，送之學習，且多購其兩科書籍，庶爲譯出以供學者周覽。國功較易收效亦多。至理工醫農四科之中則最以工科爲急，似宜畧仿日本工業學校辦法，先教以淺易工藝，期其速成。然仍必先學豫科一年，畧仿其中學校功課，教以算學、繪圖、化學、格物、雜學，簡易門徑方有所措手。至於學校之規制，關乎人材之消長，此又當大爲變通而非所敢妄爲擬議者也。

附各種學校

一學習院 日本學習院初意本爲其皇族華族子弟而設，其中區分初等學畧如小學校，功課中中等學畧如中學校，功課高等學畧如大學校。功課惟祇有文科法科兩科，而無理工農醫專門四科。蓋其中多生而貴者，所以備其居官用也。近華族子弟多不向學，故亦令民族子弟得入附學，使與之齒以悅斷之。

一高等商業學校

此學校專授農商政省

高等商業學校諸生專習以備銀行各大商會並游歷外國察其經商之用。乃於

中學校畢業諸生考選其質地優者入學。凡一年豫科、二年正科。豫科功課爲商業道德、書法、作文、算學、簿記、應用物理學、應用化學、華語及英語及法俄朝鮮各一國語。體操正科功課爲商業文、商業算術、簿記、華語、英語及法俄朝鮮各一國語。機器工學、商品商工、地理商工、歷史、度支、統計學、財政學、民法、商法、商業商業。

實踐體操

一高等師範音樂學校 師範音樂學校專修各學校男女音樂教習之材中有男女教習分教男女學生其學自高等小學校考選入學分正科專修科兩科正科功課爲倫理歌明洋琴音樂論文學英文及體操等技凡四年畢業專修科功課亦略如正科特加樂史而減音樂論凡三年畢業畢業以後分充各學校男女音樂教師

一盲啞學校 是學校專以教民間盲啞子女使能自存用意至善盲生功課爲識字字如龍鳳圖起算術音樂醫術按摩體操詠術啞生功課爲識字令制體事口學書作文算術筆談圖畫雕刻描物裁縫諸術均以五年爲畢業

一女子高等學校 日本如泰西諸國法無論于女年及六歲者皆入小學校其女子於小學校四年畢業後即專入女子高等學校其功課爲修身日本本國文漢文西文歷史地理算學格物家事女工習字音樂圖畫體操諸學以六年畢業

一女子高等師範學校 凡女子高等學校畢業者得保入女子高等師範學校其功課大率仍如女子高等學校特所諸益精而外加教育子女法一項凡四年畢業得爲女子高等學校之師

一華族女學校 日本之有華族女學校猶其有學習院也爲日本皇后所設后時親臨幸蒞之者爲退老大臣現以講平等之義故民間女子亦得入焉其功課分初等高等初等如小學校功課高等如女子高等學校功課

錫光竊按日本教育之法大旨蓋分三類曰體育曰德育曰智育故雖極之盲啞推及女子亦有體操重體育也言倫理育修身在德育也凡諸學科皆智育也此雖在女子所不廢也至音樂一科似無足輕重然每小學校中學校所必具歌唱歌舞蹈琴以譜之蓋於功課之餘所以節宣其勞而發揚其氣而陸軍諸學校中亦有軍歌號唱殆亦不可缺者若夫其女子諸學校公私林立故自中人之家以上無不通學術之女子是以小學校之中女師及半而華族女子以外亦大半自食其力且教其子女也易是其法亦未始不善特以中國風教各殊習俗亦異尙未能以爲規則耳

學校總說

一日本學校凡分三種曰官立曰公立曰私立官立者國家所出經費也公立者其邑里所籌經費也私立者乃一人所出經費或數人所出經費也日本陸軍各學校自成城學校外皆官立無公立私立者其專門學校中如高等學校文法理工農醫大科之大學校工業學校及高等師範學校各尋常師範學校亦皆官立其各處小學校中學校則皆公立而私立之專門學校如言語文字學校鐵路學校商船學校及文法理工農醫各學校又十倍於官立之學校宜其所造日精三十年而追蹤泰西諸國也

一日本官立之各學校不及公立私立學校數十分之一而經費已屬不貲如文法理工農醫大科大學校經費洋銀及八十餘萬元其餘各學校經費或數萬元或十餘萬元二十餘萬元三十餘萬元不等且凡公立私立之學校其經費不足者國家必量為補助務使有成計其一歲學校之費無慮百千萬元而公立私立之學校經費雖不出自國家亦皆出自民間為數又不知凡幾計日本土地之廣不及中國十分之二而歲入及一萬八九十萬元幾及中國歲入之倍學校經費特其一端何以如此厚歟而民不怨故其風氣既開工商之利遠過於我抑其君臣合力上下一心知非此無以保其國家全其種類有以致之也

一日本陸軍學校自陸軍各學校專辦陸軍省外其餘各學校無論官立公立私立皆隸文部省其涉法科者或隸隸司法省涉農務工務商務者或隸農商務省而其教習又皆為官學校出身之人其教育之方課授之法又必皆經文部省司法省農商務省覈定是以學校雖有官立公立私立之殊而實無參差懸絕之病其公立私立之學校又得皆給予學生憑單以為畢業之據俾備公私各事延聘之用與官立學校無異此所以殊途同歸萬軌一轍也

一日本各學校自陸軍各學校及高等師範學校尋常師範學校以外無論官立公立私立之學校苟非極貧之家（或小學）其在校之脩脯衣食住房書籍費無不由學生自行交納者計其所費實遠過於中國從師受學之費而其國人趨之若鶩甘受約束任其剔除蓋其入仕無難出之途舍此別無出身之路苟一蹉跌終身廢棄事於一者乃礙於神靈驅羣國之聰明材力咸納之於學校之中所以成材多而取效速也

一日本凡官立之學校其教習之數甚多以多寡算約在學生十名以內而有教習一員蓋陸軍各學校之中凡算術圖化學格致歷史輿地及言語文字既以文官教習補充而凡隸於文部省諸學校無不有體操兵操亦恒藉武官中之後備佐官士官下士官教授文武相資功課自彰故所用教習亦多至學生自入中學校

以後必授以西文西語固以備其異日觀覽西書研究西學亦以爲其學成出洋之藉是以日本凡學業大成以後無不遣出洋遊歷數年再考其新法乃歸而授以事更番往還是以歐洲不絕東人之迹今其文武中

者官以上及凡爲高等學校之教習與巨商大賈無未經出洋者是以立法常新而不知故步也
一日本學校雖皆習西文而實以其本國文及漢文爲重故所授功課皆譯成本國文者其各種品類各種名物無不訂有本國名目並不假徑西文且現其出洋之人皆學業有成之人否亦必學有根柢之人故隨化裁西學而不爲西學所化視與本國學術而從事西學者亦實大相逕庭

錫光竊案日本最巧於因人者也自漢唐以來其國漸被華風衣冠制度一仿中土輒事倣節相望於道及明治之初海禁大開遂一取歐洲制度而更易之君臣上下心摩力迫不遺餘力其變法之初民情固未必大順流言四起其中利害亦實參半賴二三魁奇之士力持其漸漸以取其精意法其所長凡歷數十變而至今日我

太宗嘗謂滿洲若學漢人文藝較古經典國勢必弱今日本於漢學倫理歷史兩端固守不變而一切致用之法率取諸西人而去其偏弊此暗合

聖旨所謂能自得師者也至其通國之小學校中學校實爲培育人才之基丕變風俗之漸故陸軍諸學校公私專門諸學校生徒一皆取材其中猶獵者之有山林漁者之有淵藪也中國無小學中學之培植而言練陸軍專門是無山林淵藪而求漁獵也今者爲急則治標之法武則陸軍文則專門自宜姑求速化之方以赴急用而中學中學之法稍之有違舉之其易苟能變通不待十年必煥然易觀是又貴速爲振作者已 未完

上諭電傳

二十五日 上諭鍾泰奏因病請假回旗調治一摺鍾泰著賞假四個月回旗調理南夏將軍着副都統色

額暫行兼署欽此 上諭陝西按察使著趙爾巽調補安徽按察使著徐壽朋補授欽此 上諭雲南雲南

府知府員缺緊要著該督撫於通省知府內揀員調補所遺員缺著羅文彬補授湯壽銘著調補安徽布政使雲

南布政使著于蔭霖補授欽此 上諭前經降旨各省士民著將製器及捐辦學堂各事特予獎勵諭令總理

各國事務衙門妥議具奏茲據該王大臣等議定詳細章程開單呈覽所擬給予世職實官銜及諭令專利頒

賞匾額各節量能示獎尙屬妥協著依議行即由該衙門咨行各直省將堪督撫通飭所屬將章程出示曉諭以

動觀聽而開風氣朝廷鼓勵人才不吝破格之賞仍應防冒濫所有著將製器該衙門務當認真考驗定罰懲

以副振興庶務實事求是之至意該衙門知道單併發欽此 上諭總理各國事務衙門會同禮部遵議經濟特科章程開單呈覽一摺所擬章程五條尙屬詳備即著照所請經濟特科原期振興士氣極應認真選舉以廣登進而勵人才著三品以上京官及各省督撫學政各舉所知限於三個月內迅速咨送總理各國事務衙門會同禮部奏請考試一俟咨送人數足數考選即可隨時奏請定期舉行不必俟各省彙齊再行請旨用副朝廷殷求賢之至意該衙門知道單併發將此通諭知之欽此

奏摺照登

北洋大臣直隸總督臣王文韶跪 奏為直隸原設辦公局所計酌情形並為裁併核減經費開單恭摺陳仰祈 聖鑒事竊准戶部咨光緒廿四年三月初四日奉 上諭各省設立辦公局所迭經諭令認真裁汰迄無一省核實遵辦實屬積習相仍著各督撫將現有各局徑行裁撤歸併藩臬兩司辦理等因欽此正在督飭籌商辦法間復於臣奏設 畿輔學堂一摺欽奉閏三月廿五日 諭旨飭將裁併各局事宜斟酌妥速辦理等因仰見 聖主綜核庶事力杜冗濫至意臣自應共體時艱將現有各局能否裁併詳加考察期踰周妥當輕轉飭司道並各局體察情形切實籌議去後茲據該司道等核明會詳前來臣查直隸拱衛 京畿幅員遼闊政務紛繁甲於他省自籌備海防以後應辦之事愈多一切經費悉仰給於部撥各省關釐稅又皆解不足額尚未敢多設局所自著於用現有各局更係屢經裁減無可再省若地方則僅存捐輸釐金土藥交代清訟保甲等局海防則僅存練餉支應銀錢機器製造軍械電報等局並各學堂船塢營務處無一而非當務之急但每用一人必察其事之繁簡才之短長以定薪水之多寡量才授事稱事授稱務期一人得一人之用並無濫竽充數更無位置閒員虛糜 國帑情弊其事可相因而理者每以一局兼任數事藉節常年經費其費可由外籌者則就本省多方設法免動報部正款如鑄銀圓制錢他省多設局開辦臣均就機器局廠兼鑄並未另設一局又創建 畿輔學堂及礦務學堂均由各處集資照辦並未另請一款凡可節省之處實已餘力不遺茲奉 諭旨飭令裁併臣復按照各局詳審情形悉心斟酌除水師武備等學堂均延西人授業生徒為造就人才之地方今朝廷命各省廣設學堂兼向西學此其已成基緒至宜加意振興不在議裁之例又捐輸土藥等局本解額定經費而照部章視收數之多寡捐輸則酌提一成土藥則酌提一成半以資辦公交代清訟保甲等局經費均係由外自籌不動報部款項本節籌是兩司經理應毋庸議外其釐金局亦係按收數酌提一成辦公等費局經

粵亦係由外自籌電報官局經費則係出自所收商報信費與郵部正款俱無出入均應省照辦理免致貽誤惟
保定官電分局經費向係由支統餉應歸併官電局統由商報費內抵支又保定軍裝局事務較簡應併管辦
處兼辦連同練餉文應銀錢機器製造軍械等局所轄船塢營務處共裁員司人等五十二員名並酌減公費
可節省銀一萬五千八百餘兩此皆於無可裁汰之中力圖撙節之計其餘均海防大局攸關祇有事浮於人並
無人浮於事委難再加裁併誠以北海情形與他省迥不相同各局多設於天津均由臣督率籌辦實為海防根
本所繫且其中仿用西法者十居七八尤為精理與學有專門人難求備無論滯臬兩司糧長莫及即一手一
足亦難為功者所以任人治事不能不兼收並蓄各取其長別類分門各專其責以其盡力共濟艱難臣自當仰
體 聖懷督同在事各員篤矢慎勤實事求是但能省一分費用即可裕一分財力斷不敢稍涉瞻徇致滋冗
濫亦未敢過從刻覈轉誤事機茲謹將遵 旨裁節各局員司人等薪費數目開具清單敬呈 御覽除將
清單咨送戶部存案理合據實恭摺覆陳伏乞 皇上聖鑒訓示謹 奏奉 硃批該部知道單併發欽此

本省公牘

湖南保衛總局示○為剴切曉諭事照得本總局奉 撫憲檄飭開辦保衛局務原為詰奸禁暴除莠安良
起見乃近有不法痞徒百數成羣於開局之初在南門正街毆辱巡查大晚又在大小西門一帶連毀三局似此
膽大妄為實屬目無法紀況省會之地官設之局尙敢如此其平日欺壓良懦任意橫行為害地方更可想見若
不從嚴懲辦何以挽風化而靖閭閻除本總局派派幹員明察暗訪並一面移會各營札飭長善兩縣協同緝拿
照例懲辦外合行出示曉諭為此示仰各色人等一體知悉須知聚眾滋事例有明條後各革面洗心勉為良善
自示之後倘再不知欽迹則是有心怙惡甘作莠民並飭各局巡查將圍等姓名住址面貌身材平日在大街小
巷滋事逞兇情形逐日馳報總局一經拿獲審訊確實定即從重治罪至豈豈之氓罔知法紀誠恐一時無知隨
聲附和倘當場被擊或事後牽連迨至皂白分明業已身受刑苦終身玷辱後悔何追查近來更有一種幼孩十
數成羣吶喊喧鬧凡有父兄之責者均應嚴加約束免貽坐累本總局上奉 撫憲之命下順商民之情經營繁
賁數月於茲當此開辦之時整頓伊始而痞黨不無消除地方安能保衛用特諄諄誥誡不忍不教而誅各宜遵
遵毋違特示

各省新聞

法使華權○法水師之在廣州灣者不知與該處百姓因何起釁水師官帶同兵丁上岸將該處鄉民捉拿數十人民情洶洶吳川縣當即飛稟兩廣督憲譚文帥因而電告總署請詰問法公使以侵越中國治權之故總署據電函詢法公使法使答云此事起釁之由因水手放假上岸至鄉間打鳥該處鄉人不允聚眾阻止毆打水師兵敵國水師官當即照會吳川縣知縣不料該知縣並不防卒實在犯事之人懲戒反將一局外之人隨便責打數十下釋放以為即可了事水師官復知照該縣請其必獲正犯究辦乃可而該縣竟置之不理故水師官不得已自行上岸帶兵訪察旋至到當日在場正犯十七人責其六人而皆釋放此乃薄示懲警以為此後地方官遇事不督者戒云云按此事吳川縣雖未獲獲正犯而該處尚有府道大員法水師亦正可少安毋躁函告該管上司可以觀其後乃即自行帶兵上岸捉人實非遵守公法待有約與國之道然中國地方官凡遇外交之事不肯細心辦理每每草率了事以圖塞責轉授他人以口實如吳川縣某大令者實亦咎由自取也 錄蘇報

越境乃免○瓊洋消息云中國給與法國之廣州灣現在該埠居民人等紛紛遷往瓊州居住查其緣故係由法國苛待華人前因打鳥細事竟至捉華民十餘人責打是以該灣商民不願受法人管轄且查該處附近之人常有在新州廣義一帶營生想亦因熟聞法之政令故作越境乃免之計也 錄滬報

不繼足會捐費續題名

彭牧班字樹臣湘鄉人捐銀肆角

鍾 毅字剛克湘鄉人捐銀貳角

陳統熙字芝臺長沙人捐錢壹百文

不繼足會續題名

劉兆閔字又村善化人 蔡秉鈞字子陶武陵人

蔣繼貴字富臣善化人 柳朝殷字藏堂長沙人

呂 淵字孟回安福人 湯慈堂字紹銘長沙人

沈達瞻字瑞崇湘鄉人 盛時清字秉卿善化人

羅代斌字星聚湘鄉人 譚安肅字糾笏湘鄉人

易秉彝字夢秋湘鄉人 范啟三字蓮舫長沙人

康 幾字際虞湘鄉人捐銀貳角

陳輔龍字芷芳攸縣人捐錢壹百文

甯鄉胡 麟之母顏婦人捐銀壹元

李榮綬字懋昭長沙人 楊瀛洲字北海安鄉人

吳世格字佩璠長沙人 周 冕字伯岑長沙人

陳重芝字斗完湘鄉人 魏芳棟字雲思長沙人

吳定邦字斗樞平江人 李維庚字質純湘鄉人

王運通字忠祥湘鄉人 傅仁德字易谷湘鄉人

周 楚字子荆善化人 翁 登字公和善化人

濟世良醫

余友易新吾先生祖傳醫理屢試屢效現寓榔梨市
陳公祠側寓大堆口唐春得堂

養竹山房特白

儒醫林

字紹祖精通內外醫理諸科屢見奇效

寓求忠書院後門首有揮

新刻

日本國志 初學讀書要略 光緒價計錄 八線備旨
以上各種約七月初出書其價格外從廉由本館寄售先此佈聞

蕭仲祁王國柱告白

石刻

何子貞道因碑

計壹百叁拾陸塊板存西長街武
林黃公館內西偏李宅要者面議

博文報

專選中西各國時事新論著萃彙輯按經濟六門分類編訂閱一報足抵數十種報
洵策論之津梁也紙張潔白裝訂精緻每月三冊每冊制錢捌拾捌文外埠每冊制錢一
百文閱全年者本城二千六百文外埠叁千文六月廿一日開報總售處在湘省紅牌樓
青蓮室紙局碑石堂號騰閣皇華許寓凡欲閱者請先掛號交費面給收單為憑以便派
送 特白

算學書局印書告白

本局近來致求格致之學於印書最詳兼采西歐東瀛各法凡石印銅印鉛印及五色
套印無不精工又單照紙片可以歷久不變凡古書籍字畫或大幅輿圖或精繪圖象
或尋常票據俱可代印承 賜顧者寄信前來定期不誤本局房工一切專為古今算
學叢書而設因印叢書之外餘日向多凡代印及單照圖畫各事俱可格外從廉

上海二馬路跑馬廳對過本局謹啟

治痢疾經驗神方

蒼朮 一兩 赤苓五錢 六曲五錢 大芍三錢 查炭五錢 枯苓三錢五分
 南香二錢 川朴四錢 板榔三錢 廣皮三錢 香附六錢 首仁四錢 法夏三錢
 蘇梗五錢 合香五錢 青皮四錢 枳殼三錢 甘草一錢五分 右藥照分
 共研細末作七八次沖服 紅痢加紅糖陳茶調服 白痢加白糖煨姜調服
 白痢加紅白糖生薑三片調服 水泄發熱者加生薑汁調服 腹痛腸鳴不
 者加煨姜少許調服 本館謹白

府正街 新學書局

寄售各報

公館招租

通泰街公館四進招租押字銀百兩每月佃銀二十
八串支門首有揮要者請至隔壁敦厚堂龍宅引看

儒醫易

寓貢院西街易祠

培田居士特白

石耕山房精摹各種碑帖

戚伯著碑 十三行 李秀碑 麻姑壇臨本 張遷碑 張黑女志 大麻姑壇 福神觀 禮器碑 天發
 神識碑 九成宮 隆禪師碑 劉平國碑 元公姬氏志 碑塔銘 天冠山詩 華山碑 廟堂碑 表忠
 觀 魯峻碑臨本 寄售端履街松雲紙局文正祠思賢書局

新刻壁合珠聯集

是書搜集各種楹聯十餘萬言分訂十卷誠鉅製也寄售
文正祠思賢書局端履街松雲紙店

官堆 每册一千文
毛邊 每册七百文

與錢念劬太守戊戌二月初九日自日本東京

丹徒姚錫光撰

漢景別後及兼旬引領西瞻神馳無極自啟行以來凡三次電稟帥座想執事均已見及特電稟前署祇陳行跡所至茲將沿途聞見所及並其官紳款接情形縷述一切乞為代陳帥座自正月二十一日自漢起程二十四日申刻抵滬略治行裝二十六日往拜日本上海領事小田切之助相見意甚殷懃因索銜名謂須報外部且謂為電囑其本國水陸沿途官照料二十七日公宴小田切字都宮名太桂齊之於張園二十八日伊亦饒我於領事署二十九日八點鐘登伊國公司船長門九小田切來送流連甚久十點鐘開輪伊仍鵠立碼頭見船行始去船行凡兩晝夜二月初二日午後三點鐘抵長崎此次風濤甚惡浪及船頂幾兩晝夜不能飲食其大副云二年以來無此風浪矣初二日午後自長崎啟輪初三日早八點鐘抵馬關登船樓覽口門形勢其通國西道闊闊不長崎實為馬關馬關為其內海門戶口門甚狹而水道紆回兩岸山嶺回抱層層包裹險於我長江口數倍內外凡有砲臺五六處臺址高下約畧可見而臺座隱伏不露非登岸入臺不能詳察在馬關停輪三點鐘初四日早七點鐘抵神戶由宇都宮引導往西村旅館館極宏敞初五日早六點鐘登火車晚五點鐘宿靜岡縣住大東館館之宏敞過於西村而價目極大即此神戶靜岡兩宿並下輪船駁船及挑力等費已及百元殊非意料所及日本鐵路甚窄祇及中尺三尺餘寸詢之車棧云每乘英程三里約費五萬元計英程三里幾及華程十里其造路費祇五萬元合我國造路費十分之三此實輕而易舉大可以備考證擬俟各學堂後稍暇當至其鐵路公司詳詢底蘊且其鐵道惟由神戶至東京是官路餘俱商路亦分五六公司上至公卿下及奴僕皆入股分現其通國官商路已成者約合華程一萬八千里而官路不過十分之一五詢其鐵路何如此奏功之速在任商人分設公司不令一人得占全國鐵路之權亦不令公家侵占商人公司之權故人情順而用力分進步甚速非若我中國得令一人盡籠鐵路之利致憂情畏阻而轉令外人得乘其隙也初六日早六點鐘由靜岡仍登火車十二點鐘抵東京其參謀本部已派大佐加中福島安正候於碼頭並派有馬車來接且謂已為訂定旅舍厚生館矣入館後其參謀本部並外部各派翻譯一人來常川駐照料而參謀本部更派武官三員侍衛如前來接伴初八日午後一點鐘往其外部得見其次官如我國侍衛小村壽太郎並秘書官松方正作書記官橋原陳政此人華語甚好已隨往其參謀本部得見其副官大佐大生定孝第三部長大佐福島安正福島謂其本部長中將

川上接大報云初食已兩月未入署使其全好官請見三點鐘至我國公使署見 欽使及參贊以下諸人既已
詢見公使乃公使雅不欲見客 晚間至字都宮私宅就商諸事字都宮謂已與外部並參謀本部商定先請看陸軍
直至是日三點鐘方接見 各學校自幼年學校而士官學校而大學校而海軍各學校每間一日看一處凡於武備相關諸處畧須一月方
得看畢其農商工藝法律公私各種學校俟下月再看視此方有次序云初九日其外部次官小村來拜謂其國
練兵諸事固注重武備各學堂然兵能聽命將能束身其發養之方實仍以各小學校各中學為根本此不可
不知其法伊已照會文部省可引導周視並謂其首相伊藤博文外部大臣西德二郎兩公皆須請見容來知會
坐談甚久乃去隨松方指原福島字都宮皆來字都宮約定於十一日先看成城學校此學校為日本第一並謂由其參謀本
部派馬車來接亦固辭不獲松方亦謂欲看其東京大銀行並各製造廠伊皆可引導云此自漢口啓程至抵東
京之大略也此次日本各官相待甚優大約其各學堂章程課程向易考察即送學生諸事亦不致棘手此則可
信者也惟自入其國境以來察其人情風俗見其民間亦頗貧瘠遠不如我國之腴饒而田野之辟治除石山外凡有垣墻皆開
為田麥人民之勤事實遠過我國幾有無曠土無游民氣象而土下一心通力合作至為固結且見其官紳時有憂
危之隱流露言表並無恃勝而驕之意此實大可懼也我國誠能自強未始不可結為外援我若仍悠悠忽忽令
彼見我不可匡扶則可憂者未必專在泰西諸國錫光於彼國此次欽使之殷而憂懼彌甚此次湖北之送學生
務須慎重選精取斷不可令彼見我學生之不可造就致為所輕是為目前至要之事至其各學堂規模並我學生
若何安置當隨時接要電稟制府其詳細節目仍陸續函請算處代稟緣在海外每日除各處看視並接見伊國
官紳以外實不及繕寫公牘又不便以草書上陳自以草處代為轉稟為便乞於帥前稟為陳明手啟藉叩助祺
再初七日字都宮來密詢此次東來有我國總署公文達伊國外部否錫光答以無又詢有張制台公文否錫
光答以制台有公文否我公使必轉詢貴國外部伊又謂然則有制台函廣否伊國外部並參謀本部俱甚盼
望錫光初聞甚為詫異繼察之乃推此次人情與制府之意並非留難因權辭以對言我動身時聞制台有禮
物送川上中將將交神尾大佐帶來或者有信亦未可知否亦必有言面視神尾轉達彼聞此亦未深脫日來
察彼國人情頗推重制府若以得通情款為快推古者大夫無境外交之義似未便致書彼族然鄭之子產嘗
寓書晉大夫矣即國初如姚啟聖耶廷佐諸名臣且寓書台灣舟山諸華亦無遺謫此亦備一說乞密陳帥座
或作空聞之辭致道謝之意姑與委蛇能半否乎乞便陳之

奏摺彙登

頭品頂戴陝甘總督臣陶模跪 奏為變通武科敷抒管見恭摺仰祈 聖鑒事竊臣疊准兵部咨會據榮祿高燾會等請設武備特科並黃槐森改試洋槍各節備錄兩次謹覆奏稿行令各省熟察情形各抒所見陸續奏咨等因前來竊維武科改制係為造就人才起見創法之始必須豫防流弊審慎出之部咨所謂彙集衆長權衡一是洵切當之論也原奏至為周詳惟取中武生始挑入學堂及武童仍由學政考試不先以水陸分科又准令武童在家自行操演等情再三詳酌似宜量為變通臣查西人選兵之制既建武備學堂以儲心腹干城之用必先由文法學堂學習齊數考有文憑方能與於此選故西國之兵無一人不知書其將領尤才識過人熟嫻輜略我之大弊在文武分途無論科甲行伍大都目不識丁專請幕友弊端百出今議改制而童試之初不開職字讀書與否祇重槍礮游勇匪徒皆得微倖於一試其弊當更有甚於未改制之先者進身之始既未能正本清源俟取中武生後方令入學堂肄習格致地輿兵法諸學是猶未經學步而欲其馳也臣以為宜仿西人文法學堂之意民間子弟願應武試者報由州縣官查明身家清白賢性馴良者先行局試必須文理粗通方許送入學堂作為學生則初基端正庶免莠民混入此原奏之宜變通者一也時局益艱日後文試亦將更張勢必倚難於舊制如武試仍由學臣考試恐才力不能兼顧既設學堂所有總分教習等員學問較專今我議改法但統名之曰武生不分別水陸兩途是祇以槍礮戈取衣頂上與下皆不知諸為何軍之材所取安能適用臣竊以為水軍陸軍當於童時分途肄習沿江沿海諸省兼設水師學堂其水軍學生由華洋教習督練天水海道御風布陳魚雷汽機諸法閱若干年奏派提鎮大員會同洋教習駕駛練船游歷外洋親試各生所學專門之技是否純熟詳記分數復由本省督撫試以水軍兵法各論亦詳記分數總核兩次分數並優者作為水軍秀才咨送辦理海軍大臣或南北洋大臣再加考試擇其優者為水軍舉人其陸軍學生入武備學堂由教習督練馬步槍礮整散起伏測算遙擊溝壘工程繪圖治械各事若干年奏派司道會同教習分場校試技藝詳記分數復由督撫試以陸軍兵法各論亦詳記分數總核內外場分數並優者為陸軍秀才咨送兵部或南北洋大臣再加考試擇其尤者為陸軍舉人仍 欽派王大臣覆核水軍陸軍各舉人擇最優者作為進士習之再擇之精待之榮庶可得濟時之彥此原奏之宜變通者二也西人弁兵之所以精強不僅在槍礮而在於明兵法與地各國水陸軍制及創械用械之理非久居學堂講習必不能表裏貫通原奏章程准武童在家自行操演未經挑入學堂之武生亦准令回籍

自行學習黃槐森又奏稱由士子購買洋槍如此是任令獷悍之徒而莽從事既無中西名師益友之指授又無各國新式奇器之觀摩所能勉強習用者惟槍彈一事從此假公濟出漫無限制雖於槍桿刻名姓比鄰具結州縣存案徒增騷擾而已況在上者惟求應試人多在下者人人託名習武應濟其奸竊稱改學武科於西國舊法未得皮毛轉致家家購置火器先招變法之禍臣愚以為生童在案操演及自買槍礮二事斷不可行習武者必令入學堂所用槍礮必由教習委員經理非有學堂時不得私蓄此原奏之宜變通者三也抑臣更有說者只顧變法不脫去舊日科目便多窒礙今仍拘執舊章欲處處有武童武生應試以飾觀瞻不得不令自買槍礮在家操演委曲遷就誠屬無可如何之事然值時艱更張伊始祇期足用不必貪多期於得真才不必假名器以為悅人之具竊意內而畿輔外而沿邊險路必漸臨江海各省建造武備水師學堂秀才舉人選於斯參遊都守取於斯果有十餘省得力之學堂儘足備二十餘省之用創辦伊始不妨暫停一兩科從容學習將來中選者即令得官免其選監改節若泥定各省舊用中額細於才力不能盡設學堂則有自行操演之弊縱能盡設學堂而倉猝舉行難得其師教習終歸有名無實此宜核實酌辦無庸襲前例以徇俗情者也惟舊日武生武舉應准投營効力盡力鋒用無論新登能否通行舊例武科應一律停止以歸畫一微臣愚昧之言是否有當合無仰懇 天恩飭部核議施行所有變通武科設抒管見緣由謹會同甘肅學政臣夏啟瑜恭摺具陳伏乞 皇上聖鑒 奏奉 硃批著總理各國事務衙門會同兵部妥速議奏欽此

京都新聞

俯允派使○天津訪事友人致書本館云朝鮮外部照會總理衙門擬簡派使臣來京駐節本報已將其事誌之簡端但彼國既乏商務又無他項交涉事宜簡派使臣所司何事不過如登場傀儡聽人牽掣翻翻然自以為有自主之權耳總理衙門謂 旨後 皇上大度為懷已俯如所請矣 錄申報

本省公牘

引領文宗○學憲按臨衡州十五日文場校試已畢十六日接考武場廿六日啟節初二日可以抵省內府考試約在初十日內外特急登以慰同志

師傳芳聲○湘鄉學官陳何兩廣文以該縣書院積弊太深極力整頓釐定學程於未奉 上諭以前已將月課改課經史時務策論殷勤作育久而不疲務使風氣漸開人皆勉為實學近日連雨後起造就頗多洵足